

全州志 卷二

世340.179
135
部=2



共十本

全州志卷之二

建置 城池 公署 祠祀 官舍 關梁
驛舖 宮室 邱墓 兵防

君子之勤民非得已也設險以守向明而治鴉音集而絃
誦洋溢明德馨而神人歡喜敷理有經莫重乎是以至一
瓦之植百金之費苟可以佐政教利人民有其舉之豈敢
廢乎若夫彼冢纍纍皆民之望也其可闕而不書志建置

城池

全州舊無城宋始築土城為門九曰合江曰廣安曰湘春
曰朝京曰登道曰華陽曰厚德曰善俗曰宣化元至正
元年總管王文幹改築土城北據山麓南瞰湘流乙未
總管石亨祖始砌以磚明洪武元年千戶喬用重加修

全州志

卷之二 建置

一

築為門五東曰合江東南曰達道南曰鎮湘西曰廣安
北曰朝京歷年既久坍塌頗多 國朝雍正四年張守
學林重捐修高二丈五尺闊一丈五尺周九百四十八
丈計五里三分梁口八百五十九乾隆二十年知州黃
德星詳請將東門小南門二處城樓拆造大南門北門
二處城樓修補始瞻輪奐焉

案宋吳泰湘春樓記云城南門樓曰湘春癸亥端午郡
守彭公與客飲此拂舊題知前牧蔣侯所建勢且隳矣
之夏乃撤而新之易曰鎮湘則鎮湘之名宋時已
改舊志乃以五門之名書於喬用重修之下殊欠分晰
又舊志州守並無彭姓省志有彭仲剛亦無歷任年次



又有彭傑景定四年任前乎彭者有蔣季忠亦景定三年任外此並無蔣姓攷理宗景定四年正是癸亥與吳記符合則彭公之爲彭傑蔣侯之爲季忠無疑矣

環城東西北三面皆濠深一丈闊一丈五尺春夏雨足宿潦所歸土人于中種菡萏綠莖紅萼掩映雉堞菱藕之利頗給衣食或愆陽稍過則成陸地

論曰夏官掌固掌修城郭溝池樹渠之固而方城漢池能折霸王之氣金湯固可少哉然梁伯溝宮莒人恃陋卒之民潰國亡俱不克卽世則又何與蓋失其本故也昔人有言在德不在險又曰衆志成城可謂知言也已

公署

全州志

卷之二 建置

二

全州署係清湘舊基元至元間總管石亨祖建明洪武

初知府章復正統間知州周健相繼重修後圯 國朝

康熙元年知州馮源泗重建五十四年知州劉藩長修

雍正十年知州王勅重修大堂三楹馮源泗建王勅修

二堂三楹三堂三楹內堂三楹東廊房二間西廊房一

間西廳一座東花廳三楹乾隆十八年知州胡在穗修

西花廳三楹東書房一座廚房一座庫房一座在大堂

左令公廟在大堂右大堂之前爲露臺皂隸亭二座在

露臺前 聖諭亭在其南六科房二座共十間在露臺

東西儀門在 聖諭亭之南倉在儀門內東西監在儀

門外之西碑亭在儀門外東土地祠在碑亭之東迎賓

館三間在土地祠南鼓樓在儀門之南其下爲頭門中
明亭在頭門外之西舊有綽楔書彰善癉惡字今俱久
廢碑記現存 聖諭講所在州署右康熙二十七年州
守崔廷俞建

學正署舊在州署左康熙三十年學正李先馨修建川堂
三楹正堂三楹頭門一座週圍土垣乾隆五年雨雪坍塌
場僅存川堂頭門年久頽廢乾隆十八年紳士公捐買
四排樓王姓坐北朝南住房四座正堂三楹小捲棚一
連三間住房二間廚房二間臨街屋三間今改大門後
園地一所圍牆自後園西邊直抵牌坊脚

訓導向無署借居鳳坡書院大門一座正廳五間舖房四
間

全州志

卷之二 建置

三

乾隆四 年公買四牌樓蔣姓屋宅改爲
訓導署

案鳳坡書院劫自先明前楹祀故賢牧王公國相繪像
其中兵燹僅存故址邱公倡復之徐公繼成之見蔣學
士記甚明後或改名文昌祠或改名社學因訓導無署
借居其中或遂以爲訓導游聖門拆舊署移建者非也
今現存王公像

州同署在西延大埠頭初卽鐘樓底巡檢署乾隆六年改
建正堂三間川堂三間花廳三間廳後厦房二間川堂
左書房二間馬房三間廚房一間正堂左科房五間右
班房五間儀門一座頭門一座

州判無署租住民房

吏目署在城北街康熙二十五年吏目王纘凶民房建造儀門三間正堂三間俱康熙二十八年吏目王天申修造二堂三間康熙四十五年吏目孫二西修造客廳一間在二堂前左康熙五十七年吏目張鳳蔭修造草房三間在二堂後乾隆六年吏目盧天裕捐建後圮二十一年吏目金成遠重建住房三間康熙二十八年吏目王天申修造乾隆二十一年吏目金成遠重修廚房一間在住房右康熙二十八年吏目王天申修造科房一間康熙五十四年吏目丁友俊修造嘉慶元年吏目黃譽捐造後院住房五間山角巡檢司在城北五十里黃沙河嘉靖六年建儀門三

全州志

卷之二 建置

四

間正堂三間住房三間一間久廢羣房三間久廢廚房一間久廢山棗司巡檢在城南六十里咸水係舊驛丞衙三間康熙五十七年巡檢葉文進改修頭門三間正堂住房共五間

西延巡檢司在城西一百六十里鐘樓底雍正七年裁缺改作州同署

醫學在千戶所東坡上久廢

稅課司在州署西明洪武間改為局久革

陰陽學在西察院東今廢

僧正司在報恩光孝寺即今湘山寺寂照禪師居全真道場唐咸通二年建尖紹興十三年

賜額明洪武十六年設僧正司

道正司明在元妙觀今在城隍司

參將署在西街順治十三年總兵官馬月正因民房建造
康熙十六年改設參將署頭門三間號房班房共四間
儀門三間科房羣房左右共八間大堂五間二堂三間
現在詳請重修耳房四間三堂住房五間中一間乾隆
十九年重修廂房左右共四間內廳五間內花廳三間
外花廳三間羣房二間簽押廳三間耳房三間廚房三
間鼓亭二間又署前官廳前後二座祠堂一座三間門
樓一座馬王廟一座馬房馬廐共五間又署左當舖七
間又署右箭廳一座箭道長三十八丈寬十丈五尺
守備署在東街康熙十年守備焦金斗因民房建頭門三

全州志

卷之二 建置

五

間住房三間後守備鄭毅增建科房三間耳房班房共
八間廚房三間簽押廳三間乾隆十年守備萬連陞建
小書房三間又軍裝局三間在署左乾隆三年詳建又
卡房一間院外箭廳一座箭道長四十丈寬十六丈
千總署乾隆六年詳建頭門三間住房三間廚房一間馬
房三間乾隆十四年重修
西延大埠頭把總署住房五間廚房一間頭門一間
鎮撫司在東北隅久廢

論曰國家設官分職必爲之上棟下宇崇門穹堦非徒
以示肅也一室攸寧言念百里堂皇渙汀民具爾瞻可
不做乎夫賢者不持祿而保位視廣居安宅猶傳舍也

然直以傳舍視之而存不葺毀不興民固未有幸也而
者先病矣

祠祀

先師廟在鳳凰山下詳學校

啓聖祠在先師廟西北嘉靖九年建康熙三十一年郡守
任啓元重建雍正三年修

名宦祠在先師廟大門左間

鄉賢祠在先師廟大門右間

忠義祠在先師廟左嘉靖九年建雍正三年修

節孝祠在忠義祠南稍東嘉靖九年建雍正三年修

案冊開名宦鄉賢二祠正德間建據蔣文定記正德末

全州志

卷之二 建置

六

按察副使劉節督學莅全相地于學西稍南檄知州章
諍左右各建祠四楹左以祠名宦自宋刺史柳公開而
下右以祠鄉賢自宋孝子朱公道誠而下改記作于嘉
靖九年時章去任已久蓋始事于正德而觀成于嘉靖
也今二祠在先師廟大門側非章守所建明甚何得云
正德間耶又冊開忠義節孝二祠嘉靖九年建攷嘉靖
時並無二祠名而今二祠在先師廟西稍南則正似劉
督學所相之處竊疑後人將鄉賢名宦移於文廟大門
而以舊祠祀忠義節孝故人仍謂爲嘉靖時建與但今
二祠參差與記頗不合豈後人又稍爲變置與若其判
朱孝子等與鄉賢而二之未知斷自何氏殊屬杜撰

明倫堂在文廟右啓聖祠南稍西雍正十年建

社稷壇在北門外一里壇制神牌皆遵會典四旁週墻雍正十年郡守王勅修

陸清獻曰古之社稷皆有配位明會典洪武十一年詔定王府社稷無配位今惟京師太社有配位州縣皆無風雲雷雨山川城隍壇在西門外二里壇制與社稷同亦雍正十年修

陸清獻曰漢唐宋風雷雨皆各壇以祭未嘗合而爲一亦未嘗及雲明洪武二年詔風雲雷雨合爲一壇六年以風雲雷雨山川共爲一壇八年又以城隍合祭於壇先農壇在城東北三里雍正五年郡守宋鑄奉文建

全州志

卷之二

建置

七

厲壇在城北門外遵會典于清明七月望十月朔三祭陸清獻曰厲壇之設子產所謂鬼有所歸乃不爲厲也會典所載祭文備極鬼神之情狀

常雩禮牌位舊在治左乾隆八年奉文建設先農祠內關帝廟在城北二里明崇正三年建康熙六十一年州同方毓秀重修或曰明洪武十四年民建

陸清獻曰關公正直之人沒爲明神祀之可也然今之尊關公者皆因道家之說往往多誣知禮者其辯之

城隍廟在學宮右明洪武間建

康熙四十年州同李延壽重建雍正十二年州守王勅修

嘉慶三年州守溫之誠州尉黃譽重建

陸清獻曰城隍旣壇事之矣而又有廟春秋二祭則於

壇朔望行香則于廟亦於彼於此之意歟若夫地祇而有誕辰則附會不經之甚也又案明洪武元年加各城隍以封爵府曰公州曰侯縣曰伯三年又詔革去封號止稱某府某州某縣城隍之神

東嶽廟在城北二里關帝廟後康熙四十四年重修

陸清獻曰古者諸侯祀其境內名山大川今州縣有東嶽廟非禮也

虞帝廟在七都二畝宋太平興國間建

二妃廟在城南一里漢初平元年建唐元和九年重修嘉

靖八年
又修

國朝乾隆十二年修嘉慶四年河街坊倡建

柳侯祠在書堂山明郡守顧璘建祀宋刺史柳公今久廢

全州志

卷之二 建置

八

亭渡廟在昇鄉宜湘渡南岸祀漢英布韓信彭越三像

案史記高祖十二年漢將破英布軍洮水南北今宜湘在洮水北意黥布軍敗蓋嘗渡此至韓彭並未身歷洮陽祀之何哉豈以三人得禍獨慘故連類及之與

李將軍廟在城北六十五里

唐相公廟晉天福二年建傳自梁唐時有唐相國者溺舟三日示夢于鄉人立廟江澗有禱輒應

仰山廟宋淳熙間郡守施廣文建在西關內城垣下祀湘

山仰山二神

省志曰宋張孝祥碑文畧云仰山而王

自江而西飲食必祭乾道元年孝祥來守桂林時李金方寇郴陽風鶴接警禱於祠至寇平因擇地城北爲王

館御是有廟不獨全也

威信侯廟在城西四十六里大陂堰上祀唐邢州守柴崇
趨宋隆興元年賜顯佑廟額嘉定十年勅封威信侯明
正德間梅軒蔣尚書率鄉人李澄等重修之其行祠在
廣安門外

中殿廟在城北六十里山口唐天祐時建於白茅灘宋天
聖間遷建於此元延祐四年清湘尹陸承直移建於旗
鼓山

磐石廟在城西磐石山宋建祀州守王世行今廢
趙大夫廟在城南二十五里范九臯廟記畧云五代時河
東趙信令湘源因家焉卽所居立廟祀其先祖鄉人以

全州志

卷之二 建置

九

感應祀之

文昌祠在州署西坡上舊爲鳳坡書院祀明郡守王公國
相康熙丙戌丁亥間邱守璋剏復之戊子徐守唐增修
之五十一年沈守元佐改文昌祠而移王公像于磐石
廟後某年復祀王公後又改爲社學

陸清獻曰司馬遷天官書斗魁戴匡六星爲文昌一曰
上將二曰次將三曰貴神四曰司命五曰司中六曰司
祿周禮大宗伯以禋燎祀司中司命月令季冬之月畢
祀天地之神祇鄭康成謂司中司命與焉蓋文昌之祠
久矣貌而象之號爲帝君則道家之說也三代以上天
神地祇亦無廟而祭者

伍子胥祠在昇鄉江頭村宋紹興間建

鄧侯祠在昇鄉龍水祀漢高密侯鄧禹

柳侯祠在柳山祀宋刺史柳公仲塗今廢

七先生祠在儒學宋嘉定八年林守岳建祀東郊柳氏濂

溪周氏明道伊川程氏橫渠南軒張氏晦菴朱氏

忠孝祠在光孝寺前稍西明天啓四年爲御史曹學程序

生曹正儒父子立

令公廟在城隍廟西

案明李文鳳月山叢談載李令公者宋時李鈐轄有功

於民廣右所在祀之今土人不知鈐轄遂因姓而臆斷

以爲衛公又因衛公姓名而誤以爲小說中之天王俗

全州志

卷之二 建置

十

語不實流爲丹青於是土伯九首方相四目鬻鬻睚睚

可駭可愕之象設無所不具抑邪信正深有望於賢者

清湘廟在進賢坊東

婁仙祠在昇鄉三都浮山巖側孝婦也

三聖廟宋嘉熙間郡守劉學裘建聖字疑誤或是三皇廟

陸清獻曰真定府志載元時令天下通祀伏羲神農黃

帝此三皇廟所由設歟會典載洪武四年始罷天下府

州縣祀三皇

湘山廟在城北三十里湘山源之麓神姓蕭名嵩齊高帝

第三子詳見魏令蔣蒂碑記

石巖廟在城北二十里石岡村右宋時建內祀唐張公巡

許公遠及部將南霽雲雷萬春等

案全州十家之村皆立祠宇以訴燬潦致祈報其中神
號每多鄙誕不經而西北一帶多事威信侯與張許南
雷四公四公者卽堅守睢陽并命賊庭者也攷張公等
未嘗遊歷此郡有遺愛繫全民之心而何全人之家尸
而尸祝之哉豈以其蔽遮江淮阻遏賊勢使東南半壁
幸不染安史之塵其功不在管仲下與亦可見忠義之
感人與全民之直道雖曠世而未替而桂糝椒漿非他
淫祠比也獨其侑神競尚巫覡殊不顧觸四公之怒是
則愚鄙無知所當禁戢者若其廟貌軒庑麗樸不一不
能具錄

全州志

卷之二 建置

十一

陸清獻曰山厓水陬之間二氏之祠叢出莊嚴宏麗日
祀不輟顧祀典所載實沛靈德以庇我邑人者皆壞而
不治是何不相侔之甚耶具卓識者從而釐正之必此
舉而彼廢云

論曰國家首崇秩祀著在令甲主其事者當精意而不
得務爲虛文當盡儀而不可循爲故事至于古之偉人
懿士苟有符于祭義者聖人勿禁然而敬鬼神而遠之
則祭則受福非其鬼而諂之則黍稷非馨彼二氏之殫
極土木惑世誣民又焉足厠牙吻哉

官舍

萬壽宮在光孝寺左康熙五十二年建後頗圯乾隆十五

年州守嚴翼詳修正殿五楹退食亭三楹東西茶房二座東朝房三楹西朝房三楹二門三楹頭門三楹大門一座戲臺一座看樓二座東西廊房共六十八間碑亭二座在大門外

長盈倉在州治後明洪武二年建於清湘縣左九年草十五年州守林仲顯卽舊縣基改爲預備倉後毀 國朝康熙二十六年州守崔廷俞重建一間二十八年州守黃志璋重建二間俱在儀門內左五十三年五十八年九年雍正三年四年七年於署左右前後建倉計一百零九間八年署州事劉廷錫捐建十間在署左明守禦千戶所教場在城北二里演武亭一座今廢

全州志

卷之二 建置

三

國朝教場在北關外演武廳三間雍正二年詳建捲蓬三間乾隆十五年詳建箭道長八十六丈寬四十四丈五尺

火藥局在北門內雍正十一年詳建藥局三間門樓三間卡房一間造藥碓房二間門樓一座

明東察院在旌善亭東今廢

明西察院在陰陽學西今廢

明布政司分司在元妙觀左今廢

明按察司分司在州署東今廢

明河泊所洪武十四年建正統間革

養濟院在西門外

部院行臺在湘山寺殿西康熙五十一年建乾隆十四年
州守嚴翼詳修頭門五楹大堂五楹東西廂房共六間
在大堂前後堂三楹

府館舊在州署左久廢乾隆十五年州守嚴翼因舊義學
改建在湘山寺山門外之右

驛館在州署儀門右康熙五十四年州守劉藩長修

咸水驛館康熙五十一年建雍正七年署州事劉廷錫修
上下二座每座三間頭門一座

黃沙驛館乾隆三年署州事張坊詳請捐建上下二座每
座三間大門三間轅門照牆全

鹽埠在西門外一里許乾隆間州守嚴翼買置

全州志

卷之二 建置

三

論曰官舍之建上以致其尊事之心而下以謹其藏蓋
之厚推而至于數軍實養孤疾待賓至皆為政者所不
可缺也然作之每不可旦夕而其廢也或忽焉豈不惜
哉後之人其亡忘剏造之艱難而聽其敝焉則善矣

關梁

黃沙關在昇鄉城東北五十五里道出湖南永州明嘉靖
六年移山角驛置此今改巡司

砦墟關口在長鄉城西北四十里路通覆釜山大帽嶺入
入西延舊設兵戍守

麻石關口在長鄉城西四十五里其路亦通覆釜山入西
延

大會關口在長鄉城西五十里路亦通覆釜山

牛塘關口在宜鄉城西五十五里路亦通覆釜山

同源關口在宜鄉城西六十里路亦通西延

廟山關口在宜鄉城西六十五里路亦通西延

焦川關口在宜鄉城西七十里亦通西延

五里關口在宜鄉城西八十五里其路由青皮界通西延

魯塘關口在宜鄉城西九十里亦通西延

興全關口在建鄉路通興安縣

八十里山關口在萬鄉路通湖南新寧縣

弔橋在城西門外舊以木元大德間甃石建亭今亭廢

飛鸞橋在城西五里跨洪巖渡宋建元至元時重建明成

全州志

卷之二 建置

市

化間州守汪鏞嘉靖四年州守沈尚經俱重修 國朝

康熙十九年左路總兵蔡元倡建未竟二十年巡撫郝

浴繼成之州守徐泌督造乾隆 年圯於水闔郡官民

等捐貲重修

魯班橋在城西十五里康熙辛丑郡人唐啓偉等倡建

廣濟橋在城西五十里舊名白沙明嘉靖三年副使楊

進重建

利涉橋在城西五十里雍正七年重建

咸水橋舊名永新在城西六十里明成化十四年州守汪

鏞建 蔣方俊募修嘉慶三年州守溫之誠倡建

永橋在城西八十里雍正七年署州事劉廷錫重修

石梓橋在城西八十五里以上八橋俱在城西官道
七里橋在城北七里

曲瀨橋在城北二十里太平鋪下

蒲竹橋在城北二十二里

深溪橋在城北二十五里

官溪橋在城北三十里

石月橋在城北三十四里

雙橋在城北四十里洮水上嘉慶三年州守溫之誠倡建

南橋在城北四十一里洮水上

會龍橋在城北五十里

安道橋在城北五十五里以二十橋俱在城北官道

全州志

卷之二 建置

十五

登瀛橋在登道門外

螺橋在厚德門外以上二橋俱宋守梁均建

龍頭橋在梅潭去城北三十里乾隆十三年建

聚秀橋在洮水去城北四十里乾隆十三年建

白竹橋、龍江橋俱在七都去城五十里

筆山橋在筆山下去城五十五里乾隆十九年生員蔣繼

芳吏員蔣時信建

壽榮橋通湘橋俱在六都去城六十里

迎湘橋在宜湘市后今廢

七星橋在宜湘北潭渡乾隆九年舉人唐晉等募建二十

一年夏圯于水

鎮湘橋在亭渡廟前今廢

近瀧橋在歌陂村以上四橋去城六十里

水銀橋 小橋在四都去城七十里

石溪橋 回龍橋在四都去城七十里皆石墩木梁有亭

大橋在三都去城七十七里

文家橋在二都去城八十里嘉靖元年州守章諍諭民修

建縱二十餘丈橫丈有五尺覆屋凡十有一間兩埠皆

構以亭市賈日集亭下以上十七橋俱在昇鄉

大橋在十一都去城南十五里

石椅江橋在十四都去城四十里

登雲橋在十七都 喬南橋在十九都 花橋在二十一

全州志

卷之二

建置

六

都澤惠田 左龍橋在二十二都俱去城三十里

會龍橋在石塘墟去城四十五里

會湘橋去城東南五十里接灌陽縣界以上八橋俱在恩

鄉

金鸞橋 石規橋 花橋在二十六都去城五十里

實充橋 夏涼橋在二十七都去城六十里

大橋在三十一都去城六十里

雙江橋在三十一都去城七十里

建寧橋在三十二都去城七十里以上八橋俱在建鄉

永濟橋在水頭村前桐油江上去城西五十里乾隆十九

年里人公建蔣編修良騏有記

板皮橋 羅江橋以上三橋俱在宜鄉

桑村橋在城西十五里雍正八年郡人唐啓偉等倡建
鄧家橋在城西二十里乾隆初年里人公捐建造石礮經
理不善未久隨圯

蔣橋在城西二十五里柴灣村右矧於宋嘉定初歷今五
百餘年石乳融結若天成

永興新橋雍正元年建在城西三十五里砦墟渡江水由
大帽嶺南洞海陽坪三水會合處舊有橋久圯因設渡
艱於來往復於舊橋下流建新橋雍正八年重修乾隆
元年再修蓋水勢迅駛巨木奔衝易致虧損

達道橋在三十七都竹梅村去城四十二里

全州志

卷之二 建置

七

龍引橋在三十七都去城四十五里以上六橋俱在長鄉
行春橋在四十八都去城十五里舊名三漠渡宋吉州通
判竇全器建橋以便行旅俗名竇衙橋重修於宏治甲
寅歷天啓甲子 國朝康熙甲子乙未雍正乙卯乾隆
甲戌屢修蓋長萬宜三鄉要道往來如織

唐村橋在四十八都去城二十一里

宅西橋在宅西村去城二十三里

楊田橋在宅美村去城二十五里

大善橋 雙車橋在四十九都去城二十一里

大橋 接龍橋在五十都去城三十五里

羅漢橋 大銘橋 城腳橋在五十一都去城五十二里

南家石橋 盈科橋在五十二都去城五十餘里

磨頭登科橋 新塘石板橋在五十三都去城六十里

火燒橋 金市橋在五十四都去城六十七里以上十七

橋俱在萬鄉

南門渡水南渡 路通灌陽二處俱義渡

蹄源渡在東門外路通灌陽

粟家渡在東門外五里路通灌陽及湖南道州義渡

丙首渡在城北十里 桑橋村今改義渡

蓑衣渡在城北十五里

大灣渡在城北二十五里

梅潭渡在城北三十里

全州志 卷之二 建置 六

改州渡在城北三十五里

陶家渡在城北四十里

黃沙渡在城北五十五里

廟頭渡在城北七十里

蔣馬渡在城北七十五里

茆埠渡在城南十里 鄧家埠渡在城南十里義渡

野箭渡在城南十五里

平山渡在城南二十里義渡

黃泥灣渡在城南二十五里

金堂渡在城南三十里義渡

洛口渡在城南四十五里二處義渡

地尾渡在城南五十五里義渡

建安司渡在城南六十里義渡

江口義渡

界首渡在城南八十里以上俱在湘水上義渡

竹箕田渡在萬鄉去城十四里

宜湘渡在昇鄉去城北七十里路通湖南義渡

歌陂

義渡

在昇鄉去城七十五里路通湖南永州寶慶二府

黃土渡在恩鄉城東南四十里義渡

金雞渡在恩鄉城東南五十里

麻子渡在建鄉城南七十里今建石橋

論曰砦墟諸口往時皆阨塞也百年以來化險即夷五

丁之牛無藉開道一丸之泥何必封關若夫雀舫雁齒

全州志

卷之二

建置

九

以資利涉官倡于上民勸于下往來攘攘望洋不歎不亦善乎然要之時豐人和閭閻蘇息則柝械拔矣行道兌矣不然莽可伏而葦不可杭吾懼君子之知其政也

驛舖

城南驛在州治南洪武二年太守章復遷於廣山去治十

里正統間州守周建改朝京門外今裁

山角驛在昇鄉洪武四年建嘉靖六年州守沈尚經移建

黃沙河今改巡檢司

柳浦驛在昇鄉洪武元年建今裁

建安驛在建鄉洪武三十年建今裁

山棗驛在宜鄉舊隸臨桂縣正德三年州守周建請改隸

本州今改巡檢司

遞運所在城北三里今草

額設驛站夫五十名本州經管原九十名雍正十年裁減六十名乾隆六年復增補二十名

州前舖舊在南門外後移入西門今移州署之左

舖司五名共六

十九名

北路太平舖去州前十五里

舖司四名下同

深溪舖去州前二

十三里石月橋去州前三十八里

了岔舖去州前

四十七里黃沙河去州前五十五里

獨田舖去州

前七十二里交湖南零陵縣界

又北路東林舖去了岔舖十五里去州前六十二里

舖司二名

全州志

卷之二

建置

三

下同加級塘去州前七十七里

盡界塘去州前九十

二里曲溪舖去州前一百零七里交湖南東安縣界

南路德橋舖去州前十五里

舖司二名下同

閆家寨去州前三

十里石塘墟去州前四十五里

羅板田去州前六

十里交灌陽縣界

西路花紅舖去州前十里

舖司四名下同

珠塘舖去州前二十

里覺山舖去州前三十五里

赤蘭舖去州前四十

三里白沙舖去州前五十三里

咸水司去州前六

十三里板山舖去州前七十二里

烈水舖去州前

八十五里光華舖去州前九十五里交興安縣界

南路水塘茅埠塘去州前十里平山渡去州前二十里

江口去州前四十里 建安司去州前六十里 界
去州前八十里交興安縣界

北路水塘太平塘去州前十五里 大灣渡塘去州前二

十五里 陶家埠去州前四十里 黃沙河去州前五

十五里 廟頭塘去州前七十里 船廠塘去州前八

十五里交湖南東安縣界

萬鄉小官路杉木橋塘去州前十五里 在橋渡 無舖司 雙車塘

去州前二十五里 車底塘去州前四十里 莊屋塘

去州前五十里 牛路口塘去州前六十里 楓木山

塘去州前七十里 八十里山塘去州前八十里交

南新寧縣界

全州志 卷之二 建置 三

長鄉小官路百福村塘去杉木塘十里去州前二十五里

無舖司 砦墟塘去州前四十里 閩家村塘去州前五

十里 嶺底塘去州前六十里交西延界

西延旱塘十一自大埠頭 二十里至 小洞塘 三十里至 石

溪塘 五里至 陳家村塘 十五里至 官洞塘 三十里至 瓜

裡塘 二十里至 苦竹坪塘 二十里至 茶坪石羊隘塘 三

十里至 石鎮隘塘 十五里至 一旗名石屋水 五十里至

五排石門脚塘 三十里至 五排海棠塘

論曰周禮所載地官遺人凡國野之道十里有廬三十
里有宿五十里有市夏官司險掌九州之圖而達其道
路候人掌其方之道治與其禁令合方氏掌達天下之

道路訓方氏掌道四方之政事秋官野廬氏掌達國
路至於四畿古之體國經野何其詳備繁重如是哉
國家循明舊制設驛以待往來供乏困舖以渙號傳今
塘以固圍詰斲夫亦猶行古之道乎然而視古爲簡要
矣

樓亭

翔鳳樓在郡學北據鳳凰山脊明天順甲申八年僉事袁凱

建偏曰逍遙後更曰全寧正德甲戌九年州守顧璘重建

易今名

鎮湘樓即大南門城樓也舊名湘春宋郡守蔣季忠建頗

卑隘景定五年郡守彭傑撤新易今名

全州志

卷之二 建置

三

案鎮湘之名改于景定甲子見吳泰湘春樓記乃舊志

鎮湘樓下載陳峴詩極目渺塞嶺云云考陳峴寧宗慶

元六年任在理宗景定前六十餘年豈得便名鎮湘若

其詩則他書皆題作全州觀風樓亦無鎮湘之目

水月樓在城西二里慈恩寺傍宋端平甲午理宗改徙於元元年

恩德鄉古雷崗去城十五里

楚南偉觀樓在城中又名高秋樓宋州守陳峴建今久廢

照紅樓 萬屏樓俱在州圃久廢

皆山樓在清湘舊名鐘樓今久廢

捲烟閣在城西二里磐石寺山椒宋郡守劉學裘建取柳

公仲塗詩疏箔捲烟霧明時望沈寥語

萬象閣在州境中宋王次張記

晉山閣在清湘縣治傍宋紹興間縣令安圭建楊萬里記
稽古閣在州學

明經院在城西南宋淳祐中知州鄧均爲唐德柄兄弟建
碧梧臺在湘山書院

登春臺在柳山側宋守林岳建久廢

雙松堂在州治中久廢

帥以正堂在州署內燕堂東久廢

坐嘯堂在州署內燕堂北久廢

近民堂在州署內東隅宋守曾穎茂建林壽公記其西有

中和堂仁壽堂俱久廢

全州志

卷之二 建置

三

雙梅堂在州署北久圮

環秀堂在州圃中宋王安中書額劉岑記久圮

桂山草堂在桂山之麓明宏治六年宗室朱靜菴等建今

不知其處

萬桂堂在州學東

讀書堂在柳山之陽久廢

率性堂在柳山柳侯祠後宋守趙必愿建魏了翁記久廢

夫子燕居堂在柳侯祠前宋守趙必愿建燬於兵明守韓

忠復建久廢

秋高亭 曲水亭俱在柳山宋守趙必愿增建久廢

燕熙亭在柳山郡守林岳建久廢

寸月亭

極高明亭

仰高亭

泉亭

咏歸亭

靜觀亭

育德亭

甲峯亭

賢亭

有本亭

杏壇俱在柳山明守顧璘因宋林岳柳山書院遺址重修俱久廢

省志云舊志甲峯亭作宋王禹偁建禹偁未嘗寄全張孝忠甲亭記有王黃州所謂江山猿鳥雲泉竹樹為天下甲此亭皆具之語當以是誤

台江亭

瑞芝亭俱在完山明守顧璘建

依綠亭在州圃中宋守陳峴有詩久廢

德生亭

攬翠亭 雩亭俱在鎮湘門外久廢

盍簪亭在北門外今廢

全州志

卷之二 建置

十四

欣欣亭宋李天異有詩原注在全州作

露勝亭在湘山半峯間明正德甲戌州守顧璘建

全勝亭

函秀亭俱在湘山

甲亭在湘山雲歸菴

翠光亭在能仁寺今廢

晚靜亭在蓮池上

濯纓亭在磐石今廢

漱玉亭在礧巖宋守黃伸建以巖泉琤琮如漱玉故名今

廢

聚賢亭在昇鄉宜湘市

魁瑞亭在洮陽驛蓮花池久圯

昇平亭在昇鄉文橋

寶瑞亭在恩鄉雙堤塘

田心亭在平塘久廢

豐慶亭在恩鄉景子岡

廣濟亭在黃沙渡久圯

鎮湘亭在宜湘渡久圯

炳文亭在城南虎形山後

廣利亭在歌陂渡久圯

大觀亭在岳灣塘

孝誠齋在州學

朝京館在城東北三里宋寶祐五年州守梁均因盍簪堂

故基建趙希記

宜湘館在州東

鎮湘塔 文昌閣

在岳灣塘嘉慶三年州守溫之誠建

論曰君子政暇必有樓榭池臺之觀以舒其心目故曰

退食自公委蛇委蛇又曰息焉遊焉若夫麗譙之設講

全州志

卷之二 建置

五

誦之所斯事體大更非徒流連景色而已也舊志所載
夥矣案圖索之百不存一蔓草荒塗頽垣斷瓦甚者求
其處而不可得廢興之感能無慨然則何不并其籍
而去之而何以空名為曰不然前人作之後人述焉名
之不存將盛蹟湮鬱且異日家給人足之後競求復古
於何討尋其舊事乎錄之猶存餼羊意也

邱墓

宋學士陶崇墓在昇鄉安道舖路傍翁仲石獸尚存

銀青光祿大夫檢校刑部尚書唐承裕墓在城西官道傍

覺山舖下三里

明左通政黃驥墓在柳山之原

監察御史蕭珪墓在飛鸞橋南卸水嶺久蕪沒嘉靖戊申
州守王瑩之始爲立神道碑

工科都給事中海虞姚伯善墓在湘山寺門左方姚永樂
初奉詔采木嶺表道卒葬此後六十年其孫崔啓殯歸
葬故鄉見沈周詩

遼東巡撫陳瑤墓在能仁寺南

戶部右侍郎陳琬墓在湘山寺北仁壽山諭祭葬

太子少傅兵部尚書張燦墓在勝全山諭祭葬

少傅戶部尚書蔣昇墓在七里橋諭祭葬

謹身殿大學士蔣冕墓在尹家塘去城五里諭祭葬

總兵官武毅墓在長鄉玉柱巖側毅舊志作教

全州志

卷之二 建置

三

工部侍郎蔣曙墓在昇鄉柳浦巡司對岸諭祭葬

工部侍郎蔣淦墓在長鄉深溪舖側墨脚灘諭祭葬

工部尚書舒應龍墓在城西二十里長鄉沙埠汀北南向

諭祭葬

廣東道監察御史太僕寺卿曹學程墓在萬鄉瀝塘大金

盆嶺諭葬欽表孝子曹正儒附葬墓道

雲南按察司僉事蔣賁墓在昇鄉梅潭上

南京福建道監察御史蔣貴墓在長鄉塘仔冲

山東道監察御史蔣焯墓在暮春山

姚安府知府蔣輝墓在金盆山

雲南右布政使蔣彬墓在恩鄉南宅後山

翰林院編修舒宏志墓在城西南三十里恩鄉南宅人

太僕寺卿晉吏部侍郎趙獻素墓在宜鄉羊毛陂

福州府同知監軍僉事謝日昇墓在萬鄉大園坪

戶部郎中龍安府知府謝天命墓在長鄉茄子塘

福建鹽運使蔣希禹墓在東門外

雲南永昌府知府劉士覲墓在建鄉塘底

國朝廷平府通判謝良琦墓在長鄉花紅舖

河東道副使謝允復墓在萬鄉李家源凹上

江南儲糧道劉懋藻墓在建鄉大岡頭人形嶺

右副都御史謝賜履墓在長鄉深溪舖

翰林院侍講學士蔣肇墓在長鄉長冲田

戶部河南司主事蔣彥泗墓在恩鄉老鴉嶺香鑪山

全州志

卷之二 建置

湖南驛鹽道謝濟世墓在長鄉三川大坪頭

直隸長蘆鹽運使蔣林墓在長鄉紗帽嶺父瑩左側

山西太原府知府謝庭琪墓在長鄉七里橋

通政使司通政使蔣良騏墓在長鄉柴投灣後扒柳塘

贈中憲大夫陳枚武信郎陳元樑合墓在恩鄉馬山 諭祭塋

論曰昔趙文子與叔譽觀乎九原曰死者如可作也吾

誰與歸蓋古之君子不特取善於當時而必尚友乎古

昔也嗟夫之數公者生為人倫之範及其歿也白楊荒

壟猶能使後死者低徊憑弔而興起焉孰與夫生榮沒

已無得而稱者哉覽者可以風矣

兵防 營堡附

宋本州西界設團崗亘連融州湖北辰沅武岡諸蠻界每

團酋領部轄山丁西延六都設招安指揮以鎮峽石寨建炎間立四砦曰上軍吉寧魚口平塘又按昇鄉三都舊有塹岡寨紹興間湖廣西溪寇起自八十里山踰阿白嶺出時王次山屯戍等覺寺提督四都義兵伍鄉等累戰克捷境賴以安二都有石岡營在石岡廟北正統間千戶江溥嘗屯兵習武於此

舊志

宋神宗熙寧七年更制將兵先是太祖懲藩鎮之弊分遣禁旅戍守邊城立更戍法使道路往來以習勞苦後議者以爲使兵不知將將不知兵緩急恐不足恃神宗乃部分諸路將兵總隸禁旅平居訓厲有事調遣元豐中又詔團結東南路諸軍共十二將荆湖北路爲第七南

全州志

卷之二

建置

三

路潭州爲第八全邵永州應援廣西爲第九總天下爲九十二將凡諸路將各置副一人將副皆選內殿崇班嘗歷戰陣者各以所將兵多少置部將隊將押隊使臣各有差元祐元年十月樞密院言均定出戍路分除廣南東西兩路駐劄三將兵充本路守禦差使虔州第六將全永州第九將準備廣南東西路緩急勾抽策應並不差戍他路高宗建炎後砦兵荆湖路全州四砦上軍魚口吉寧平塘紹興元年詔議處置諸州隘砦時監察御史明橐言湖南邊郡及二廣之地舊置谿峒歸明官比年浸廣宜令二廣湖南帥臣處置適宜無啓邊禍詔下其議十年全州建議立屯其畧云本州密邇谿峒

谷山徑非止一途如靜江興安之大通墟武岡軍之新寧盆溪及八十里山永州之東安皆可以徑達谿崗其地綿亘郡邑非一州得專約束故遊民惡少之棄本者商旅之避征稅者盜賊之亡命者往往由之以入萃爲淵藪交相鼓扇深爲邊患爲今計者宜徙間地巡檢兵及分遣士卒屯諸谿谷山徑間俾湖南北廣西帥憲總其役庶幾事權有所歸而號令可行也十五年詔禁騷擾谿崗獠人知全州高楫言獠人今皆微弱不敢先侵省地砦官每縱人深入掠其財物遂致乘間竊發宜詔禁谿崗接壤州郡毋擾獠人庶使邊民安業以廣陛下柔遠好生之德帝納其言詔守臣一遵成法務在撫綏

全州志

卷之二 建置

三九

孝宗乾道四年詔湖南北四川二廣州軍應有谿崗處務先恩信綏懷毋弛防閑毋襲科擾毋貪功啓釁委各路帥臣監司常加覺察又詔禁沿邊姦人毋越逸谿崗誘致蠻獠侵內地違者論如律其不能防閑致越逸者亦罪之 宋史

崗三十有一曰小車曰小地曰白竹曰木杲曰小喉曰麓石曰茶坪曰半嶺曰侃塘曰大水曰滑溪曰上下白石曰蟾蜍曰湛底曰扶水曰梅子根曰水尾曰姑油曰樓子曰黃嫩宅曰俸水曰大木曰龍塘曰雄江曰歌陂曰盆田曰蔗源曰大小李曰橫溪曰大小藏曰石家寨七曰硤石曰磨石曰獲源曰長島曰椽塘曰香烟曰羊狀

元制諸路總管隸宣慰使司都元帥府各州惟設義兵萬戶府以握兵視宋頗簡要節省志

明洪武初設全州守禦千戶所隸廣西都指揮使司官軍哨守隨時差撥正德嘉靖間於夷寇出沒地增設堡隘歲於本州縣人戶丁糧僉編民款繼捕官管領分撥防守而關要之所重撥旗軍兼以打手舊志控制諸崗云

額設守禦千戶所官二十員旗軍二百七十八名打手二百零六名守城民款十六名守各堡兵共二百零六名舊志

原設旗軍一千一百二十各見在食糧馬步旗軍二百

全州志

卷之二 建置

三

八十二名內馬軍四十二名屯軍七名食屯不給月餉官自備馬二十二匹春冬二例每匹月支穀一石二斗草四百二十觔舊志

案舊志所載與省志頗異存以備攷

營二

西關外營在城西二里防手打手四十一名北關外營在城北二里防手打手四十一名舊志

堡十二

板山堡在城西南七十里防守旗軍八名打手十三名烈水堡在城西南八十里防守旗軍八名打手十三名里山堡在城南六十里防守旗軍二名打手十四名魯塘

堡在城西南九十里防守旗軍二名打手十二名
堡在城南五十里打手十二名蓮塘堡在城南八十
防守打手九名源口堡在城西四十五里防守打手十
二名八十里山口堡在城北八十里防守旗軍四名打
手十三名白塘堡在城西六十里防守打手九名楊梅
堡在城西二百里防守旗軍十名打手十一名鎮湘堡
在城北六十五里防守旗軍六名打手十名羅口堡在
城南四十五里防守打手五名

舊志

全在粵西稀警矣然非去兵國也戊籍日耗編民協
防號曰打手打手應募不皆土著之民受直則數存
應敵則力寡舊五百零五名今省其半勢亦單弱且

全州志

卷之二

建置

三

建鄉逼白面諸獠先年時見侵侮西延七里半多流
寓今雖寧帖然獠性易煽而競細利議者欲移州俸
一員於今巡檢司以資彈壓巡檢改義寧界此桑土
之籌貴在得人而已

舊志

國朝全州營額設經制官八員

參將一員

守備一員

千總二員

把總四員

經制兵七百二十六名

原抽送隆林營兵八十
六名雍正八年補足

馬驛外委千把總四名

步戰兵十六名

步戰兵一百八十六名內除各官養廉 參將步

名 千總共步戰糧十名 把總四員共步戰糧

十六名 外委千把總四名共步戰糧四名 公

費步戰糧十四名 以上各官養廉並公

費共步戰糧七十二名實一百一十四名

守兵五百二十名通共馬戰外委並馬步戰

守兵實六百五十四名

一駐防全州城參將一員守備一員千總一員把總

一員馬步戰守兵二百九十名內撥西北二路水

旱二十八塘黃沙河外委一名戰守兵共七十四

名存城兵二百一十六名

一分防八十里山汛外委千總一名戰守兵四十九

名內撥旱塘十一塘戰守兵三十三名存汛兵十

六名

一分防西延汛把總一員戰守兵七十六名內撥旱

塘十一塘並茶坪石鎮海棠三隘戰守兵五十三

名存汛兵二十三名

一分防興安縣汛把總一員戰守兵八十五名內撥

水旱十三塘戰守兵四十一名沐水外委一名戰

守兵十八名旱塘十塘在內存縣兵二十六名

一分防靈川縣汛把總一員戰守兵九十六名內撥

水旱十五塘並大橋堡欄田坪二隘戰守兵六十

八名存縣兵二十八名

本年十三塘巨巖外委一名崇順司一隊賊守

名存縣兵

設馬四十四匹

官員自備馬二十四匹

兵丁戰馬二十匹

案舊志云本朝設步戰兵三百名守兵七百名月應支餉銀一千一百五十兩米三百石康熙二十一年奉部文裁汰各兵領騎官馬一百匹二十二年奉部文裁汰食步戰兵餉效用間員二十四名二十三年二月奉部文裁汰戰守兵一百五十五名四月裁汰戰守兵七十九名實在存營步戰兵二百二十二名守兵五百二十

全州志

卷之二

建置

三

名今查本營額設戰守兵共七百二十六名外步戰兵十六名未知何年裁汰

附全州營各官俸薪米

叅將一員每年六大建六小建訂共支俸銀三十六兩

二錢八分四釐三毫三絲四忽 薪銀一百一十七

兩九錢九分九釐九毫九絲六忽 養廉二十名共

銀三百四十二兩 養廉米七十石零八斗 蔬菜

銀四十七兩一錢九分九釐九毫九絲六忽 心紅

銀三十五兩四錢 自馬八匹春冬例大月每匹支

穀草折銀七錢三分二釐小月支銀七錢零七釐六

錢夏秋例大月每匹支銀九錢小月支銀八錢七

分共銀七十七兩零三分零四毫 守備一員

俸銀一十五兩九錢九分四釐二毫三絲六忽

銀四十一兩一錢九分九釐九毫六絲六忽 養廉

八名共銀一百三十六兩八錢 養廉米二十八石

三斗二升 蔬菜銀一十七兩七錢九分九釐九毫

九絲六忽 心紅銀一十一兩七錢九分九釐九毫

九絲六忽 自馬四匹每年穀草乾銀三十八兩五

錢一分五釐二毫 千總二員每員每年俸薪銀四

十四兩七錢九分九釐九毫九絲六忽 每員養廉

五名共銀八十五兩五錢 每員養廉米一十七石

七斗 每員自馬二匹每年穀草乾銀一十九兩二

全州志

卷之二

建置

三

錢五分七釐六毫 把總四員每員每年俸薪銀三

十三兩 每員養廉四名共銀六十八兩四錢 每

員養廉米一十四石一斗六升 每員自馬二匹每

年穀草乾銀一十九兩二錢五分七釐六毫 外委

千把總四名每名每年共支餉銀二十二兩三錢九

分九釐九毫九絲八忽 每名養廉一名共銀一十

七兩一錢 每員糧米七石二斗 每名領騎官馬

一匹每年穀草乾銀九兩六錢二分八釐八毫 馬

兵一十六名春冬大月每名支餉料銀二兩六錢三

分二釐共銀 十二兩一錢一分二釐糧米三斗共

石八斗小

九毫三絲三忽共銀四十兩零六錢五分四釐九
二絲八忽糧米二斗九升共米四石六斗四升
秋大月每名支餉乾銀二兩八錢共銀四十四兩八
錢糧米三斗共米四石八斗小月每名支餉乾銀二
兩七錢零三釐三毫三絲三忽共銀四十三兩二錢
五分三釐三毫二絲八忽糧米二斗九升共米四石
六斗四升 步戰兵一百八十六名內除各官並外
委養廉步戰糧五十八名銀米不開外 實在差操
步戰兵一百一十四名並公費步戰糧一十四名共
一百二十八名 大月每名支餉銀一兩四錢五分
共銀一百八十五兩六錢糧米三斗共米三十八石

全州志

卷之二 建置

四斗 小月每名支餉銀一兩四錢共銀一百七十
九兩二錢糧米二斗九升共米三十七石一斗二升
守兵五百二十名 大建每名支餉銀九錢七分共
銀五百零四兩四錢糧米三斗共米一百五十六石
小建每名支餉銀九錢三分六釐六毫六絲六忽共
銀四百八十七兩零六分六釐三毫二絲糧米二斗
九升共米一百五十石零八斗

以上馬步戰守兵丁春冬大建共餉料銀七百三十
二兩一錢一分二釐小建共餉料銀七百零六兩九
錢二分一釐二毫四絲八忽 夏秋大建共餉乾銀
七百三十四兩八錢小建共餉乾銀七百零九兩五

錢一分九釐六毫四絲八忽 大建共支糧米二萬
一十六石六斗 小建共支糧米一百九十二石五
斗六升 以上俱見本營清冊

官俸兵餉馬乾每歲兵需銀一萬零八百五十九兩
零一分 米二千六百七十五石四斗 穀三百
一十六石八斗共折銀一百二十六兩七錢二分
草一十一萬零八百八十觔共折銀六十六兩五錢
二分零 省志

附

西延嵯山之外設有六隘一旗

六隘曰荆竹隘十里至銅鈴隘 五里至坤蓬隘八十里

全州志

卷之二

建置

三

至石鎮隘十五里至坐墩隘十五里至石羊隘一旗曰
石屋水

共編隘戶二百八十九男婦丁口九百六十四名隘
兵旗丁把守隘口防護嵯人出入不食官糧不同營
演現奉憲檄每年秋收後九月為始遇望日隨民壯
習練武藝三時訓農一時講武永為定例向有免糧
隘田一千七百四十六畝八分使六隘一旗自食其
力

論曰古者兵寓於農故春蒐夏苗秋獮冬狩皆於農隙
以講武事唐之府兵明之屯軍頗師其意而中世以後
實亡名存非法不善也 本朝設經制兵歲糜帑金

粟若干非以地連楚粵岐道交錯備不可不豫乎今諸
猺皆向風慕義向時防禦故壘夷平蓋太平之盛且久
如此雖然安不忘危其可使釋甲而嬉哉若西延之六
隘一旗駸駸乎其近古矣

全州志卷之二

終

全州志

卷之二 建置

三